

庚申外史

庫申外史

癸酉元統元年先是歲壬申秋文宗車駕在上都八月疾大漸召皇后及太子燕帖古思大臣燕帖木兒曰昔者晃忽乂之事爲朕平生大錯朕嘗中夜思之悔之無及燕帖古思雖爲朕子朕固愛之然今日大位乃明宗之大位也汝輩如愛朕願召明宗子妥歡帖木兒來使登茲大位如是朕雖見明宗於地下亦可以有所措詞而塞責耳言訖而崩晃忽乂者乃明宗皇帝從北方來飲毒而崩之地燕帖木兒內懼爲之躊躇者累日忽念晃忽乂之事已寔造謀恐妥歡帖木兒至而治其罪始秘文宗遺詔屏而不發因謂

文宗后曰阿婆且推守上位。王室安欲帖木兒太子居而徵荒瘡之地。未知有無。我與宗戚諸上徐議之可也。是時燕帖木兒以太平王為右相禮絕百僚威焰赫。宗戚諸王無敢以為言者。退。至至順四年三月上位虛攝已久。內外頗以為言。燕帖木兒始迎明宗皇帝幼子懿懌。只班登寶位。不發詔不改年號。踰月而崩。嗣歸寧宗。繼而燕帖木兒建議欲立燕帖木兒古思。文宗后固辭曰。天位至重。吾兒恐年小。豈不遭折死耶。安欲帖木兒在廣靜江。可取他來為帝。且先帝臨崩。言猶在耳。于是燕帖木兒知事不能已。遂奉太后詔旨。遣使召廣取安欲帖木兒太子。

來京太子行至良鄉以郊祀園簿禮迎之蓋燕帖木  
兒欲以此取悅太子之意既而燕帖木兒驅馬與太  
子並行馬上舉鞭指示告太子以國家多難遣使奉  
迎之由太子訖無一言以答之燕帖木兒心疑懼留  
連至六月方始使登位改元：統元年尊文皇后為  
皇太后丞相燕帖木兒加太師左丞相撒敦為右丞  
相伯顏為樞密院知院唐其勢為御史大夫撒敦者  
燕太師之弟也唐其勢者太師之子也徽政院使宦  
者高麗人禿滿子兒者首荐高麗女子初氏于帝初  
氏性慧黠有寵于帝秋九月太后謂大臣曰正宮未  
有人何不遽立之眾對曰今太師丞相有女端嚴正

大宜為天下母。于是立太師女伯牙吾氏為后。推  
王家女習于驕貴。又輕帝年幼。見帝寵初氏。心不平。  
之曰。夜捶楚初氏。幾不勝。一夕又跪初氏于前。窮問  
其罪。加烙其體。翌日司天奏。昨夕火星犯后妃。帝雖  
不言。心甚之。初世祖皇帝家法賤高麗女子。不以  
入宮。至是始壞祖宗家法。識者知天下之將亂也。  
甲戌元統二年。太師太平王燕帖木兒。自帝即位。以  
來。不復留心政事。惟日溺于酒色。收晉邸后為妻。諸  
公主嫁之者四十餘人。有某王位公主嫁。及門三日。  
不得見。既而傳旨曰。公主且歸。我要時來取燕帖木  
兒。宴趙中丞家。男女共坐。名為鴛鴦筵。席偶坐中有

一婦人顏色甚麗太師目之問曰此爲誰意欲留之  
左右告曰此太師我夫人某氏也由是酒色過度體  
羸溺血而死太尉伯顏陞爲右相伯顏當帝在廣西  
來入京師宿留汴梁心方不測朝廷推臣意其伯  
顏適爲汴梁省左平章提所有蒙古漢軍扈從入京  
帝深惠之以扈從功封太尉至是一旦爲相居唐其  
勢上唐其勢愈曰天下本我家天下也伯顏何人位  
居我上或時裏甲帶刀至伯顏家或夜入都人家飲  
然猛態無術實無佗異謀也

乙亥至元二年四月右丞相伯顏奏曰御史大夫唐  
其勢與其弟答剌海爲文宗義子者謀爲不軌將不

利社稷有詔捕之唐其勢攀檻不宜出答刺海匿皇后祀下右丞相復奏曰豈有兄弟謀不軌而姐妹可匿之乎并執皇后以付有司后呼陛下救我帝曰汝兄弟欲害我如何抹得你亦絞于東門外唐其勢既死命撒廸為御史大夫立翁吉刺氏為皇后乃世祖后察必之曾孫也性莊厚寡言咲踰正宮皇后復立祁氏為次宮皇后居興聖宮踰興聖宮皇后二宮並為后自此始伯顏奏曰陛下有太子休教讀漢兒人書其間好生欺負人往時我行有把馬者久不見問之云往應舉未回我不想科舉都是這等人得了遂罷今年二月礼部科舉

丙子至元二年詔徵西域匠刺麻至京禮為帝師仍  
以故太師燕帖木兒第賜之

丁丑至元三年以伯顏為太師荅剌罕左丞相封秦  
王伯顏本鄭王家奴也謂鄭王為使長伯顏至是怒  
曰我為太師位極人臣豈容猶有使長耶遂奏鄭王  
謀為不軌殺鄭王并殺王子數人初伯顏謀封秦王  
時或告伯顏曰秦王大名恐不宜居伯顏曰我聞淮  
東有秦郡我索秦郡為秦王非西秦也何不可之有  
時天下貢賦多入伯顏家省臺院官皆出其門下每  
罷朝皆擁之而退朝廷為之空矣禁漢人南人不得  
持寸鋒賜高年帛禁百姓畜馬品官畜馬有差六月



天下謠傳拘刷童男童女民間皆望風成婚 河南  
棒胡反棒胡者河南鵲山縣人好使棒長六七尺  
進退伎擊如神遠近聞者稱棒胡其徒弟百餘人有  
名胡山花亦善棒開州人輓軸李陳州人棒張皆起  
兵應之河南左丞履童將軍敗之于鹿邑岡擒之歸  
其岡為得勝岡伯顏數往太皇太后宮或通宵不出  
京師為語曰上把召欺下把民虐倚着太皇太后慈  
出紫薇垣數十丈凡十餘日占者以為應在十五年  
後至年果驗京師大水朱光卿名玘山亂于廣南之  
惠州既而復有李智甫羅天麟亂于閩漳皆討平之  
戊寅至元四年詔郡縣舉隱逸士詔脩曲阜孔廟表

州妖僧彭瑩王徒弟周子旺以寅年寅月寅日寅時  
反者背心皆書佛字以為有佛字者刀兵不能傷  
人皆惑之從者五千餘人郡兵討平之殺其子天生  
地生妻佛母瑩王遂逃匿于淮西民家瑩王本南泉  
山慈化寺東村庄民家子寺僧有姓彭者年踰六十  
歲善觀氣色一夕夜雪見寺東約二十里紅燭半天  
翌日召其庄老詢之曰昨夜二更時汝村中得無失  
火乎抑有他異事乎內有一老白村中無事惟舍下  
媳婦生一兒子僧遽喜曰盍與我為徒弟可乎老遂  
捨為僧于是遂以穀帛若干酬之其子年十歲始送  
入寺與群徒嬉時預言禍福皆驗年十五南泉山下

忽產一衆甚冽。是時民皆患疾疫。瑩玉以泉水施之。疾者皆愈。以故衆民翕然事之如神。及事敗。逃淮西。淮民聞其風。以故事庇之。卒不為有司所捕獲。伯顏與太皇太后謀立燕帖木兒。古思而廢帝。其姪脫。頗聞其謀。竊以告其師胡行可。行可敢之以密告于帝。令帝知而預為防。

冬十一月。河南范孟端反。孟端者河南杞縣人也。始為內臺知班。發身掾河南省臺。其人貧無資。寡交游。人皆謂為不辦事。鬱不得志。又久不得補。一日大書省壁曰。人皆謂我不辦事。天下辦事有幾人。袖裏屠龍斬蛟手。埋沒青鋒二十春。後有守省御史來。与

孟端有據力爲言之乃得補又不帶俸孟端慨曰我  
必設若輩一夕與其黨霍八失等約曰我冬至日應  
直省汝四人當以黃蠟爲彈凡狀佩之揖聖旨却鋪  
馬素各夜入河南省中堂坐定喚當直掾史來傳聖  
旨我則佯應之曰議有河南廉使段惟惠致仕在家  
即傳聖旨召之使居省中推事餘省官呼入者汝  
皆傳聖旨捷殺之凡發歸金惟聽我施行如此大事  
必成可以得志富貴可共也己而皆如其言是日省  
憲官置酒皆醉于家于是平章月魯不花左丞相烈  
理門金剌奴郎中完者秃黑狄兒都事拜住總管撒  
思麻監司秃滿萬戶完者不花等喚入皆若使聽聖

昔然即以鈔骨朵自後撻死景屍後園稱聖旨除孟  
端為河南都元帥拘收大小衙門印自佩平章發兵  
虎符調兵守城把諸階巷中人不許往來封閉黃河  
大江渡船使南北毋通發各道兵來聽調孟端在省  
祭祖去祀縣祭祖故經五日又用金鼓押諸衙門正  
官首領官凡若干人斬于市有馮二舍者孟端用為  
省宣使在外給事馮固扣孟端曰章引我見朝廷  
官孟端時不覺唾而言曰何者為朝廷官我便是也  
馮覺其偽因隨孟端出竊告者都鎮撫曰使臣者仍  
也可閉諸省門勿納我將圍之于是殺孟端于外時  
省中猶不信擲其首示之乃開門持兵者入霍八失

天下多事

等竄竹園中遂俱撲殺之當孟端反時百官使首聽命獨歸陽不從孟端問曰朝廷以月魯輩有罪別選用人歸先生不顧仕宦耶陽曰有母在堂誠不愿也又問曰歸先生不怕死耶陽曰死生有命元帥遂囚之事敗得出故天下多歸陽自此始

己卯至元五年冬皇太子生名愛育失黎答臘寔興聖宮和氏之子也乳脫：家呼脫：為妳公其後脫因奏令正宮皇后子之十二月伯顏請帝飛放帝疾不往伯顏固請燕帖古思太子同往遂獵于柳林脫：竊告帝曰伯父久有異志茲行率諸衛軍馬以行往必不利于社稷帝幸不与之俱往其奈太子在

柳林何

夕即召高保奇月恡察兒與之謀討伯顏

却其軍推于是先令月恡察兒夜開城門星馳往柳

林竊負燕帖古思太子入城又忌翰林官泄其事特

使平章沙加班召其館客范滙也裏之車中以載之

入賜之坐諭以伯顏罪狀却其軍推誅之：意使車

詔四更使只兒瓦反平章及沙只班齎詔向柳林先

却其軍天明閉大都詣城上開讀詔書畢御史大夫

脫：踞坐城門上傳聖旨曰諸道隨從伯顏者並無

罪可即時解散各還本衛所罪者惟伯顏一人而已

伯顏養子唐因不花知院答失蠻尚書謂伯顏曰擁

兵入宮問奸臣為誰尚未晚也伯顏卻之曰只為汝

貶置伯頤

輩當時與脫：不和致有今日尚欲誤我也情知皇帝豈有殺我之心皆脫：賊子之所為也言未既又有詔到柳林伯頤除河南省左丞相伯頤請入辭帝使者不許曰皇帝有命：丞相即時起行母入辭伯頤至河南又有詔令伯頤陽春縣安置初伯頤過真定時父老捧獻果酒伯頤謂父老曰余曾見天下有子殺父之事父老曰不曾見子殺父但見奴婢殺使長蓋暗指伯頤殺鄭王之事伯頤聞之恍若不語殊有慚色也臺臣奏曰太皇太后非陛下母也乃陛下嫡母也將堂推陛下母墮燒羊爐中以死父母之讐不共戴天乃貶太后安州安置太子燕帖古思瀋陽



宋文宗神主

踞安置乃使云都赤月松察兒押送瀋陽將至瀋陽  
太子忽心驚知其將殺已矣飛馬渡河而走月松察  
兒追之拉其腰而死云都赤者帶刀宿衛之士也太  
后亦每言帝不用心治天下而乃專作嬉戲故此舉  
雖出于權臣實亦帝心之所欲也尚書高保奇奏言  
昔文宗制治天下有曰我明宗在北之時謂陛下素  
非其子帝聞之大怒立命撤去文宗神主于太廟併  
問當時忤詔者為何人遂歆殺虞伯生集馬雅古祖  
常二人呈上文宗御批且曰臣受勅紀載寔不獲已  
脫在菊因曰彼皆負天下重名後世只謂陛下殺  
此秀才故捨之而不問

明宗以流國公之子為子

國初守江南歸附時瀛國公幼名也入都自願為僧  
白塔寺中已而奉詔居甘州山寺有趙王者因嬉遊  
至其寺憐國公年老且孤留一曰女子與之延祐  
七年女子有娠四月十六日夜生一男子明宗自北  
方來早行見其寺上有龍文五采氣即物色得之乃  
瀛國公所居室也國問子之所居得無有重寶乎瀛  
國公曰無有國問之則曰今早五更後舍下生一男  
子目明宗大喜國求為子并其母載以歸

庚辰至元六年伯顏行至江西豫章驛飲藥而死殮  
以散木槨寘棺上藍寺中塔一云杜尸水流出戶外人  
皆掩鼻而過之籍其家數月屏當不盡米糠數房燒

餅至一房其番也如此或言伯顏家畜西番師婆名  
昇：每問來歲吉凶又問自己身後事當如何昇  
曰當死于南人手故其東政之時禁軍罷刷馬匹蒙  
古色目歐漢人南人不得回手等事皆原于此先是  
阿义赤大夫完者帖木兒王二人頗有節氣見伯顏  
私通太后殺鄭王竊相議曰此人有無君之心不除  
之必為國家患于是截髮為誓私相約曰但得間即  
行之一日伯顏休息於家二人立侍或言云都赤佩  
刀乃水撻嘗鎖鑄善刀也阿义赤即借觀稱善久之  
伯顏亦忻然怒披衣觀之完者帖木兒王喜于得間  
從前殺阿义赤阿义赤惧不敢發完者帖木兒王趁

相打誅盡我而  
僕乎小人哉

其中變害已。因長跪首曰。問者阿义赤親刀時有害  
太師心。伯顏大怒。即摔向前。阿义赤亦跪曰。此人當  
有害太師心。我不從。故反告我。即併殺二人。而籍其  
家。其酷虐如此。命脫。為左丞相。益都忽為右丞相。  
韓家奴為御史大夫。汪家奴為樞密使。初伯顏既敗。  
其弟馬札兒台以誅伯顏有功。故繼其位。為首相。僅  
半載。于通州置塌坊。開酒館。糟房。日至萬石。又使廣  
販長蘆淮南鹽。其子脫。不以為然。嗾泰政佛嘉問  
曰。吾父喜君。所言無不聽。盡諫。吾父使解職。開居  
不然。人將謀我。寧逐其兄。而攘其位。眾口甚可畏也。  
佛嘉問如其言。因索間諜之。馬札兒台果辭職。家居。

開河

封爲太師。于是陞都益忽爲首相。而已割之。爲詔復行科舉。詔太廟四時祭享。賜天下高年束帛。蠲天下租五分。右丞相益都忽、左丞相脫脫、奏曰：京師人烟百萬，薪芻負擔不便。今西山有煤炭，若都城開池河，上受金口淮注，通舟楫往來，西山之煤可坐致于城中矣。遂起夫役，大開河，五六十里。時方炎暑，民甚苦之。其河上接金口水河，金口萬水瀉而下，湍悍繞流行，二時久，衝壞地數里。都人大駭，遽報脫脫。丞相丞相亟命塞之。京師人曰：脫脫、丞相開乾河，秋河北大水。

辛巳至正元年，詔選儒臣歐陽玄、李好文、黃潘、許有

壬等四人。五日一進講讀五經四書。寫大字。操琴彈古調。堂御堂文閣。用心前言往行。所。然有向慕之志。烏大興國子監。蒙古回。漢兒人三監生員凡千餘。然祭酒司業博士多非其人。惟粉飾章句。補苴事務。以應故事而已。凡在諸生。日啖龍炊粉羹。一人之食。為鈔五兩。君子以監學乃作養人材之地。而千百為群。恣縱恬嬉。玩愒歲月。以嫖侮嘲謔為賢。行加屏風。以障市人。入茶酒肆。不惜且掉臂而出。無取誰何。是壞天下人材。何作養之有。曩加孫監生也。積分試中。累官主執丞。在朝鬱鬱。曩加孫為分省右丞。一日奉攝廓命入京師議事。揚。過市中。大言曰。我今日

只知有提兵不知有皇帝人聞其言相顧問曰此何官人也或曰此則往時國主叢加孫也人皆嘆曰此官所言是報當日龍炊也又有番賢奴者六監生也積分中舉歷官至左右司員外郎因奉命至擴廓軍中擴廓留之為分省戶部尚書已而京師大饑遣戶部侍郎求糧于擴廓番賢奴知之請與相見因責之曰朝廷遣汝來求糧耶歸語汝丞相朝廷自紅軍禍亂以來前後命提兵官勦捕皆有供給官辦糧料如輩不班也先帖木兒太不花答失八都祿等是也獨我察罕父子提兵平大河南北山東等處並不索費朝廷一毫供給今又起軍肅清江淮亦不索朝廷供

給糧料而朝廷反求糧于我耶張至通叅政在側因  
嘆曰三十二年天子豈可使無一頓飽針喫耶遂啟  
擴廓以山東糧五千運入京師往。國生所就類如  
此樞密院掾史杜遵道素公不佞適賴川遂為紅軍  
舉首先伯顏丞相馬札兒台為知院遵道為書生  
上言請開武舉以收天下智謀勇力之士馬札兒台  
遂補為掾史既而知其不能行其策遂棄公後為賊  
中舉首

壬午至正二年詔曲阜衍聖公陞秩二品慶元守王  
元行卿飲酒禮詔譯唐貞觀政要二月帝出元載門  
耕耨田是年秋監察御史言宦官太盛宜減宦官願



并宮女孟時官者多高麗人爲之也

癸未至正三年鹵簿冕服新成親祀南郊時春二月也議修遼金宗三史丞相脫脫斡意欲成之而所費浩大錢糧經數不足頗以爲憂掾史行文書丞相三却之掾史遂與國史院典籍謀之曰丞相不喜若非錢糧無可措畫采此易耳江南三省南采田頗有貢士莊錢糧者各路括寄累年倉庫盈積有司亦當借用之此項錢糧以爲脩史費脫脫曰不然掾史即日引見丞相丞相聞其說甚喜于是奏臣使儒臣歐陽玄揭傒斯等于國史院脩撰遼金宗三史詔興守泰不花行柳飲酒禮詔天下立常平倉河決白茅口冬

十月有七日有事于南郊前三日裸于太室拜享于  
列聖次第至寧宗前帝問禮儀使曰我兄也彼弟也  
拜合禮否禮儀使傳旨問博士劉闢對曰寧宗皇帝  
雖是弟也當承宗祀而為皇帝時陛下亦嘗做他的  
臣子來當拜又春秋時魯國的諸侯有問公僖公問  
公是弟先做諸侯僖公是兄在問公後做諸侯宗廟  
四時祭祀未聞僖公不拜問公比這例兒陛下合拜  
帝乃拜南郊禮畢大赦天下蠲天下民租五分詔天  
下立常平倉先是以五事備取守令至是取守令以  
常平倉得訟奏成六事

甲申至正四年春儒臣歐陽玄揭傒斯等修遼金宋

三史成

三國史告成禮部引國史合院官票右丞相脫：奏  
聞脫：搖首曰此秀才事我弗知三票三卻眾皆惡  
之或曰丞相好美名今此史具到某情丞相見其名  
不列宜其愠也蓋票之曰自古前代史書雖以史官  
秉筆而總裁則必歸一人如唐書則歐陽脩總裁資  
治通鑑則司馬光總裁今遼金宋三國史成蒙丞相  
奏用之力也某等謹以書丞相為總裁官丞相幸始  
終成之以為一代之盛典豈不可乎于是脫：大喜  
即命據史具進史儀部鼓吹導從前後輝光自史館  
進呈宣文閣帝具礼服接之觀者以為近代無之先  
是諸儒議論三國正統久不決至是脫：獨斷曰三

脫指父

國各与正統各繫其本。辨議者遂息。然君子終以爲非也。進史畢。大宴群臣于宣文閣。脫奏曰：「給事中殿中所記錄。陛下即位以來事迹亦宜漸加脩撰。收入金匱。」上曰：「朕行事只在給事中。殿中處之。待朕他日歸天去。令吾兒爲之可也。」仍以御圖書封藏金匱。自今不許有所入。然不知給事中殿邇來皆公卿子弟爲之。其寔當然。金匱所書也。故康申以來三十六年。史事並廢。馬札兒台太師告老。退居甘州。于是有指言行其間。父子各相疑。脫曰：「回乞致相位。願往甘州侍親。詔因而許之。」初脫謀使其父辭位也。嘗奏帝以其父之貧。不可使居大位。且密囑帝倚其

辭位、陛下宜即許之。至是帝亦因而許。蓋憶其初用  
詭計也。以阿魯圖廣王為右丞相、以平章帖木兒達  
識為左丞相。

乙酉至正五年、以別忒兒不花為右丞相。三月詔曰  
乃者天災流行、積雨害稼、河失故道、民罹其殃。山東  
河南尤甚。朕夙夜憂惕、靖思其由、皆朕菲惠所致。諸  
有盜賊竊發、公廩限二十日悔過赦之。前所免租外  
被災者全免之。已入者准下年之數。

丙戌至正六年、詔遣奉使巡行天下、黜陟幽明、問民  
疾苦、采訪賢俊。分十道處之。然奉使者、類皆脂韋貪  
濁、多非其人。惟四川一道得王士熙、武子春、稍振綱

牧民如牧羊

紀餘皆鼓吹而已。命選天下郡守各選其人。凡其人  
之官皆陞辭聽旨。諭之曰：汝守令之職如牧羊然。飢  
也與之艸，渴也與之水。飢飽勞逸無失其時，則羊蕃  
息矣。汝為我牧此民，毋使之失所。而有飢渴之患，則  
為良牧好矣。時上方有勵精圖治之意，凡人選轉某  
人為官，必問曰：此人以前行過事，結果然一。皆善  
否？為我志陳之可也。徵叢士脫因伯顏杜本張瑄為  
翰林待制，或議以為擢用太峻，不可。帖木兒連識曰：  
「隱士無求于朝廷，而朝廷有求于隱士，識者誦之，以  
為名言。」

丁亥至正七年，徵叢士張樞不至。朵兒只班為右丞。

相賀太平為左丞相

戊子至正八年中書省脩六條政類成淮南北大水  
已丑至正九年脫：漢入為相初脫：倚親居甘州  
太子愛育失黎達鵬與脫：子加刺張同庚以故加  
刺張獨留京師與帝子同嬉戲一日帝與初后同席  
坐偏殿帝子愛育失黎達鵬與加刺張同戲殿外愛  
育失黎使加刺負已作老鴉聲旋繞殿墀三匝已而  
漢使加刺作老雅而已負之亦三匝加刺跪曰加刺  
奴婢也太子使長也奴婢不敢使使長負帝子怒撻  
之啼哭之聲聞于帝：問之曰誰哭即左右曰脫：  
子加刺張也問何謂而哭之如是左右具以對上喜

曰賢哉此子也。初后曰：脫，好人，不宜久在外。上遂領之，會佛朗國進天馬，黑色五明，其項高而下鉤，置之群馬中，若索駝之在羊隊也。上曰：嘆曰：人中有脫，馬中有佛朗國馬，皆世間傑出者也。時有奸臣哈麻者在側，聞此言，以爲脫，且將入，復爲相也。因景問游說薦之於帝，曰：彼嘗罪汝，杖汝一百七。汝何爲荐之？對曰：彼雖罪臣，當也。臣若仇之，不當也。何怨之有？其實此人好其時，初后于殿屏後竊聞之，陰使人走甘州召之。一夕脫至京師，乘昏入城，然亦未敢見帝也。初后伺帝有喜色，因誅加刺張于帝前，曰：汝亦思汝父脫，即加刺張跪曰：思之也。后又



詠曰脫：今何在而汝歎思見之也。后起謝曰：脫  
脫離闕久，思見至尊，今聞其入城在某處矣。上即使  
人促入見。至，則上在棕毛殿召入。正色問曰：我使汝  
侍親甘州，誰召汝來耶？后爲之失色。脫：徐曰：即  
主使奴婢侍親，今者幸親終服闋，故來命上遽起抱  
脫：相与泣慰之。翌日，故有再相之命。命中書蒞祭  
三皇，翰林應奉危素爲之樂章。

庚寅至正十年，戶部尚書薛世南武子春知脫：有  
意興作。庶事蓋謂前相無聞其礼樂文章制度之  
事，漠如也。欲大有爲以震耀于天下，起軼祖宗舊法，  
垂名竹帛于無窮也。薛世南武子春建言：謂至元鈔

法經久當變制宜乃中統交鈔交鈔卧置貫文與銅  
錢子母相權並用脫：奏用其言立寶泉提舉司鑄  
至正通寶錢先兩日脫：丞相率省屬下學勉勵至  
塔祭酒呂思誠下塔迎丞相向東坐祭酒西向坐省  
官列坐丞相下散官列坐祭酒下至是召祭酒至中  
書省告以將更鈔法祭酒忽然而對曰丞相毋聽  
薛武兩少年之言改鈔法非祖宗舊制也丞相若聽  
之必亂天下後數日盡追奪呂思誠祭酒所授宣勅  
時亦議裁減冗官併省衙門數事武曰呂祭酒當議  
之時不措一辭乃議定惟有發怒罵詈而已春三月  
河北大雪深三尺南陽總管莊文昭來言本郡鴉路

移賊

有上馬賊百十為群突入富家計其家財邀求銀為  
撤花武劫州縣官庫取輕資約束裝載畢乃拘妓女  
置酒高會三日乃上馬公州郡初無武備無如之何  
於是始命立天下兵馬分司凡五處然不究其本而  
徒事其末終亦不能禁也

辛卯至正十一年歸惠知府觀音奴言今河決白茆  
日徙而壯失其故道當疏塞以為地利脫：喜其言  
命工部尚書成遵往相視焉還言工不可興浩大難  
成且見今南陽安豐盜賊成群高一與挑河人夫相  
挺而相怨此大亂之機非細事也決不可從脫：不  
聽左迂成遵為長蘆鹽運使更問京畿漕運使賈魯

香軍

曰汝前為張湫都水時知河之利害可疏鑿否。賈客  
澤潞人素有進取志遂應教曰可。因悉言其狀。乃奏  
畧為工部尚書兼河防使。四月二十二日發河南淮  
南北軍民二十萬其費以億萬計。府庫為空。有龔伯  
遂者小有才汲汲以富貴為心進言脫曰丞相大  
興利除害可也。然必大有誅賞始可以攝伏眾情。于  
是起大獄以謀害大臣寘前相高昌王益都忽并韓  
家奴等于死地。未幾刑賞失措。又興挑河工役所在  
肆虐。又併省衙門沙汰吏胥無所容跡。五月潁川潁  
上紅軍起。歸為唐軍。蓋以燒香禮彌勒佛得此名也。  
其始出趙州深城縣韓學究家。已而河淮襄陝之民

杜道

彭玉

月

布王三

孟陽

芝麻李

俞然從之。故荆襄漢許汝山東豐沛以及兩淮紅軍皆起應之。潁上者推杜遵通為首。陷成皋據倉粟從者數十萬。陷汝寧光息信陽。起蕪黃者宗彭瑩玉和上推徐真遠為首。陷惠安沔陽安陸武昌江陵江西諸郡。起湘漢者推布王三孟海為首。布王三歸北瑛紅軍。卷有唐鄧南陽嵩汝河南府孟陽馬歸南瑛紅軍。卷有均房襄陽荆門歸峽。起豐沛者推芝麻李為首。芝麻李者邳州人也。但歲饑其家惟有芝麻一倉。盡以賑人。故得此名。曹魯批黃河所在廢民業。民心不安。芝麻李與邾人趙君用謀起事。曰朝廷是安與土木之功。百姓貧苦無告。吾聞潁上香軍起。官軍燕如。

之何當此之時真男子取富貴之秋也。君用者趙杜長也。曰：我所知惟某人，某人可用。燕城南彭二其人，勇悍有膽畧，不得其人不可舉大事也。我當為汝致之。即訪其家入門，見其人方礪斧斤，謂之曰：汝礪斧斤將何為耶？彭二應曰：州縣云有賑濟，曰：伺之。寔誤事，飢無所得，我將伐薪入城換米喫，可以度日。官府不足信也。君用曰：噫，吾視汝勢力過人，何慮不得一頓飽飯？即因作色曰：汝能從我謀事，豈但衣食而已？富貴從汝。彭二即解其意，應曰：其中有芝麻。李采曰：有。吾當從之。遂引見芝麻李，因得八人歛血同盟。于是年八月十日，佯為挑河夫，日夜倉皇投

徐州城夜留城中門卒拒之則曰我挑河夫也借一宿何傷其半夜因突入一半在外一半在內夜四更城內四人熬四火城外四人亦熬四火應之既而復合爲一城內吶喊一聲城外接應一時城中大亂四入者遽奪軍器亂殺四人因而得入同殺叫殺民久不見兵革一時見亂殺皆束手從命天明又樹大旗募人爲軍從之者亦十餘萬浮橋四出掠地亦奄有徐州近縣及宿州五河虹縣豐沛靈璧西并安豐濠泗事聞朝廷省吏把牘題曰謀反事至脫：前覩其蹟改題曰河南人謀反事誠者知元朝不能有天下矣河南漢人可盡誅矣其後張士誠起于淮海趙明

續明史

毛貴

明史

明太祖受命

遠起于徐州毛貴起于山東明元帥起于四川獨本  
朝龍興淮南即以建康為天下根本東征西伐南誅  
北討四海人心內附皆有俟後來蕪之望元朝之國  
祚可盡矣先是嘗有童謡曰雷漢莫起接貧漢莫起  
屋但看羊兒年便是吳家國迨本朝定都建康築  
壇于建康南門郊天受命改元朝至正七年為吳元  
年異丁未歲也豈不驗哉天命有所豈人力之所能  
為耶朝廷聞紅軍起命樞密院同知赫厮禿赤領阿  
速軍六千并各支漢軍討潁上紅軍阿速者綠睛回  
回也素強精悍善騎射與河南行省徐左丞俱進軍  
其三將但以酒色為務軍士但以剽掠為務于勦捕



之方漫不加省赫廐軍馬望見紅軍陳大揚鞭曰何  
卜阿卜阿卜者華言反也于是所部皆走至今淮人  
傳以為笑其後赫廐死于上蔡徐左丞為朝廷所誅  
阿速軍不習水戰不伏水土病死者過半十二月布  
王三陷鄧州襄陽

壬辰至正十二年正月孟海馬陷襄陽徐真逸陷湖  
廣其將曾元帥陷安陸江陵脫：為相諱言中原兵  
亂哈麻因而媒孽其過帝召脫：怒責之曰汝嘗言  
天下太平無事今紅軍半宇內丞相以何策待之脫  
脫汗流浹背未幾自請督軍下徐州兵出有淮東元  
帥遜善之者上言官軍不習水土宜募場下鹽丁可

黃軍

使攻城、又有淮東豪民王宣者、上言、盭丁本野夫、不如募城野越勇慣捷者、可以攻城、前後各得三萬人、皆黃衣黃帽、號曰黃軍、脫、知城有可克之狀、下令各將、乃事勵、乃起侯我至、即攻之、須臾脫、至一鼓攻之、遂奪其城、又調阿吉刺太尉攻汝寧、汝寧紅軍懼、退保亳州、阿吉刺攻平汝寧城、赫廝既死、朝廷別命鞏卜班平章為將、領侍衛漢軍、合愛馬韃靼軍、合數萬眾屯汝寧、沙河岸、日夜沉溺酒色、醉卧不醒、敵人偷營、遽失、大將所在、次日聞死人得屍、死人中軍遂退數百里、屯項城縣、又命御史大夫也先帖木兒代為提兵、凡精兵三十餘萬、金銀幣帛數千輅、

河南北供億計億萬前後兵出之盛無如此者也先  
帖木兒駐軍沙河未及兩月軍中夜驚也先盡棄軍  
資器械糧運車輛山積僅收散卒萬人直抵汴城下  
時濟王在城頭遙謂之曰汝為大將見敵不殺何  
故自潰吾將勅汝此城必不容汝也遂離城南四十  
里朱仙鎮屯焉朝廷乃命蠻子平章代之也先徑歸  
燕京暮入城明日仍為御史大夫當時官軍不足  
用類如此故王宣建言募盜丁豈不識時務者歟而  
十數年前見機最早者惟杜遵道一人也賈魯治黃  
河疏四里村塞黃龍江口立回龍廟于岸上水由故  
道行脫議軍事每迴避漢人南方人入內奏事回

顧中書韓伯高韓大雅隨漢末遽令門者勿入奏曰  
方今河南漢人反宜揭示天下令一縣勦捕諸蒙古  
色目因違謫定在外皆召還京勿令誑誤于是榜  
出河北之民亦有變而從紅軍者矣中書左司郎中  
田本初言江南漕運不至宜墾內地課種昔漁陽太  
守張堪種稻八百餘頃今其蹟尚存可舉行之于是  
起山東益都濮陽等一十三路農民種之秋收課所  
得不償所費次年農民皆散罷公冬復立庸田使司  
于江南咬住子江陵答失八都魯平襄曷  
癸巳至正十三年脫奏用哈麻為宣政院使哈麻  
既得幸于上陰荐西天僧行氣運之術者號演操兒

係內

秘為大喜樂禪室

法能使人身之氣或消或脹或伸或縮以盡感上心  
哈麻自是日親近左右雖倚納是時資政院使隴卜  
亦進西番僧善此術者那秘密佛法謂上曰陛下雖  
貴為天子富有四海亦不過保有見世而已人生能  
幾何當受我秘密大喜樂禪定又名多脩法其樂無  
窮上喜命哈麻傳旨封為司徒以四女為供養西番  
僧為大元國師以三女為供養國師又荐老的沙巴  
郎太子答刺馬的禿魯帖木兒脫歡孛的娃麻納哈  
出速奇帖木兒薛答里麻十人皆歸倚納老的沙帝  
母舅也巴郎太子帝弟也在帝前男女裸居或君臣  
共被且為約相讓以室名曰峽即兀該葉言事無碍

男如裸居君臣共被

倚納輩用高麗姬爲耳目刺探公卿貴人之命婦市  
井臣庶之麗配擇其喜悅男事者媒入宮中數日乃  
出庶人之家喜得金帛貴人之家私竊喜曰夫君頗  
選可以無室滯矣上都穆清閣成連延數百間千門  
萬戶取嬪女寔之爲大喜樂故也脫：平徐州以得  
芝麻李奏功既而陰構朝旨令班師使者六七返帝  
始令月恠察兒代之月餘始獲芝麻李械送京師脫  
脫密令人執雄州殺之潁川沈兵探馬赤軍察罕帖  
木兒與羅山縣典史李思齊集衆弭義兵克復羅山  
縣州奏功朝廷授察罕羅山縣馬達路花赤授李思  
齊縣尹上曰人言國家輕漢人如此果輕漢人也下

吏部再議于是察罕授汝寧府達魯花赤思齊知府  
冬十二月二十七日天鼓響于東北

甲午至正月十四年正月汴水冰花二月朔日食張士  
誠起兵泰州劉少據高郵截南北路倚納十人與  
帝竊議脫在

不可諱于是同謀合太史王監丞奏連夕相星

自是帝疑脫脫始無援矣內無后援而外有倚  
納十人之譖識者皆知脫不返矣

秋八月二日脫提天下兵出征高郵天下想望其  
來兵圍高郵三日中書右丞哈麻諷御史大夫以老  
師費財彈擊脫帝信其言詔卸脫兵柄淮安

脫：釋兵

安置令樞密院老張代之當是時脫：權重內握朝柄外總兵馬以指揮天下天下希其有兵圍高郵日事攻擊矢石兩注城中幾不支日議降附又恐罪在不赦圍者亦指日收功忽有詔旨來卸軍軍中聞之皆大哭當詔未開讀時龔伯遂進曰始丞相出師時親奉皇帝玉音以為在後事休朕再有密旨來今丞相在軍止奉皇帝密旨一意進取可也詔書且勿聽事既久小人諛言自欺白矣且將在軍君命有所不受為是故也脫：搖首曰不可詔我而不從是與帝相抗拒也遂受詔大軍百萬一時四散先是諸大臣子弟領軍從行者哈麻歷告其家陰遣人

大軍四散



脫離元國  
不復北矣

先來軍中白其長曰 詔書且至不即散者當族誅  
故散之：遽如此其散而無所附者多從紅軍 鏐  
甲一軍入襄陽鏐甲兵者是也脫：卸軍在淮安  
一月詔復使西行鵠死于吐蕃境上是時高郵危困  
已甚脫：分兵定真州平六合及將攻徐濬遠近凜  
然國勢漸張而哈麻奸臣即謀誤國遂至危亡不救  
可勝惜哉是歲省吉大夫以舟師自安慶征湖廣至  
湖口適與蘄黃之紅巾遇風勢不利敗績死之紅巾  
遂順流而下攻安慶為義兵所破失敗南還既而蚩  
子海牙中丞遣提水軍義軍南征破黃連大寨徐真  
逸等遁入黃梅山中及沔陽湖中官軍盡復武昌等

處未幾直抽軍下據廬州官軍勢退而賊勢復熾矣  
亦憐只班丞相以馬步軍由江東援江西至龍興逾  
月而卒左丞火彌赤代總其兵攻臨江復瑞州進攻  
袁州與歐軍相持數年不決卒後敗亡

康申聞見錄

乙未<sub>五</sub>至<sub>十</sub>湖廣苗軍聽調營于汴梁東其帥吳天  
保死裨將王陳叛入京西遂陷陳州許州西至虎牢  
關命荅失八都魯討之以汪家奴為右丞相鼎住  
為左丞相哈馬為平章數月鼎住薨哈馬升為左丞  
相母弟雷為御史大夫倚納十人皆進職立  
興聖宮初后子愛育失黎達臘為皇太子命翰林學  
士行冊詞有曰家法曰齊心法曰正又曰存心養性  
者守身為皇親之大任賢去邪者知人為安民之方  
勿謂穹昊之高一誠意而庶徵應勿謂宮庭之奧一  
善言而萬方知與治同道則唐虞之俗可還主善為

華事不悉則言不  
哈馬人語

師則露馬之域斯至君子以為徒訓也 劉福通判  
敗谷失八都魯長葛營 趙明達陷嵩汝攻洛陽  
明元帥入西川陷之 丙申五年十哈馬既得相  
位醜前所存西天僧所為恐為當世及後人所非議  
乃以他罪杖西天僧一百七流于甘州倘若初未嘗  
存之者 又私念以為謬乃謂其父萬魯國公曰我  
兄弟二人一為丞相一為大夫皆荷祖宗德澤但妹  
婿萬魯帖木兒在上位前近行汙蔑無礼恐為天下  
士大夫所譏笑我兄弟何面目見人盡除之以為吾  
利不意其妹屏間竊聞之急歸告其夫翌日有旨哈  
馬休入臺又有旨根隨哈馬人吏都散又有旨令哈

明祖紀建康

馬出城、又有旨哈馬安置惠州、雪：安置大寧中道  
皆打殺、河南行省平章太不花軍南易嵩汝、招降  
叛民百萬、軍聲大振、秋、下唐隨安陸沔陽、惠安以  
及蕲黃、升河南行者為左丞相、賀太平再入朝為  
右丞相、初大理宣慰司同知達失八都魯為四川  
叅政、引兵自巴蜀來克復襄陽均房、調入中原、頻有  
功、至是陞為河南行者平章、兼知行樞密院、是歲  
大朝、建康張士誠據平江、危素為司農司丞  
于京南、雄霸等州七種、給京師、號曰京糧、為浙西被  
隔、海運不通故也、丁酉至正十年、詔答失八都魯  
至京、師帝見之、私謂侍人曰、此人死期至矣、罷還軍

先是太不花以軍士失律、剽掠汴民、南臺御史彈之、有旨卸其軍、剝其職、以白衣聽遣、詔至是復命為湖廣行省左丞相、仍提前軍往征山東、毛貴、答失八都魯止率本部兵渡河、征曹州、盛文都于是二將皆渡河而北、河南之境相繼而陷、劉福通入據之、迎其主小明王于亳州、入都於汴梁之皇城、分河北、閔先主沙劉二領兵入晉冀、由朔方攻上都、分淮安趙君用部將毛貴兵合田豐趨大都、而帝方与倚納十人行大喜樂、浹帽帶金玉、佛手執數珠、又有美女百人、衣纓絡、品樂器、列隊唱歌、金字經、舞鴈兒舞、其預選者名十六天魔。是時答失八都魯死曹州、其子李

羅帖木兒代領其衆朝廷因而使之鎮西京 毛貴  
由海道得海舟長驅破益都義兵黃軍下萬戶田豐  
叛入紅軍遂破東昌東平大名 罷商稅罷寶泉提  
舉司 戊戌主心十 太平不花忽賀太平本漢人而  
居相位已乃勤勞于外表索賀太平軍前供給朝廷  
忽不從駐兵彰憲玩寇不進太平以計殺之于保定  
并其子壽童駙馬 以紐的該為添設丞相 山東  
毛貴兵由濟南犯直沽公京師百二十里京師大震  
但太平不花裨將劉哈刺不花領兵自晉冀來擊卻之  
以功由尚書升平章 義兵察罕帖木兒以八月克  
復汴梁小明王遁入安豐 閔先生沙劉二破頭潘

魯班天子

等由大同直趨上都焚毀宮殿犯虎賁司、公主都二  
百里、世祖所立三十六屯在馬先是、大雪人跡不通  
至是雪晴、暖氣如春日、而京寺羅帖木兒饋京師糧  
數千車、帝嘗為近幸臣建宅、自画屋樣、又自削木  
排宮、高尺餘、棟梁楹榑宛轉皆具、付匠者按此式為  
之、京師遂稱魯班天子、內侍利其金珠之飾、告帝曰  
此房屋比某人家、殊陋劣、帝輒命易之、內侍由此刮  
金珠而公、二后見帝造作不已、嘗挽帝衣極諫、且曰  
勞心造作、又惑天魔降舞女、何其不自愛、聖躬也、帝  
輒然、怒曰、古今只我一人、即由此兩月不到後宮、邪  
后無可奈何、乃蓄高麗美女、大臣有權者輒以此女



送之京師。連官貴人必得高麗女。繞為名案。高麗女  
婉媚善事人。至則立見奪寵也。自至正以來。宮中給  
事使令。大半為高麗女。以故四方衣服靴帽。大抵皆  
依高麗矣。帝嘗謂倚納曰。太子善。不曉秘密佛法。  
秘密佛法。可以益壽延年。乃令虎魯帖木兒教太子  
以佛法。未幾。太子亦惑溺於邪道矣。噫。已矣。註

十九年。破頭潘閼先生赴廣寧。燕魯王官府駐軍遼陽。  
賀太平當相位。奏用其子也先忽都兒為詹事。以為  
總兵。總大兵取遼陽。太平意謂閼先生破頭潘。自晉  
冀西京。歷上都軍。常無畱行。其破遼陽。必能能久居。  
可以取遼陽。功成其子。至則閼潘軍日治戰馬。一無

地手自南而北明江  
以受命也

退意也先忽都畏之宿而不前竟潰而歸乘夜入城  
仍陞為集賢學士先是太平常采報警用程遵蕭庸  
趙中等布列右部遵等亦僥倖首沒之及也先忽都敗  
還及以功升為學士相与嘆曰朝廷賞罰無章綱紀  
掃地乃至如此將陳其罪親近者竊以告太子太平  
頗以為憾京師大饑民殍死近百萬十一門外各  
掘萬人坑掩之鴟鴞百群夜鳴至曉連月乃止  
居庸關子規啼太子召指空和尚問民饑餓何以  
療之指空曰海運且至何憂秋福建運糧數十萬至  
京師先是朝廷以張士誠內附封為太尉且以歲饑  
遣使督海運糧儲于京師時張士誠據浙西有糧方

國珍據浙東有船二家攻戰不和糧竟不至賴福建  
瀕海枕為王土獨能運糧至京師由是京師民始  
活矣當元統至元間國家承平之時一歲糧入京師  
至一千三百五萬八千八百六十四石而江浙四分  
強河南二分強江西一分強腹裏一分強湖廣陝西  
遼陽一分通十分也金入凡三百餘錠銀入凡一千  
餘錠鈔本出一千餘萬錠絲入凡一百餘萬斤綿凡  
七萬餘斤布帛凡四十八萬餘疋而江浙嘗居其半  
及張有浙西方有浙東而京師索然識者以為元之  
氣數推可知也指空者西天剎帝剎王第三子也狀  
貌魁偉不衣指髮服食擬于王者居京師四十年習

黃河清

妖孽

靜一室未嘗出門王公貴人多見呵斥雖帝亦不免百八歲而死甘露降又宣王廟封上凝如白霜食之味甜黃河清鄭州長教里貴赤衛韓食事家次子死數年長子又為李羅所拘西京父母悲歎老失二兒貧無以為食早夜哭泣方哭泣忽聞次子來告曰兒將西京米麴來且至父母可勿憂已而果然自此往來聞言語如生人者半年其家童兒盡能見其容與服色一日來告父母曰阿爺阿妳可遷西居兒欲歸東房將以某日娶女其日童兒余等窺見筵席賓客之盛又聞歌舞雜劇之声數日其京城不祥有如此建清寧殿外為百花宮統殿一匝帝以回

例五日一移宮、不厭其所欲、又酷嗜天魔舞女、恐宰  
臣以舊例言、乃掘地道、盛飾其中、從地道數往、就天  
魔舞女、以夜作晝、外人初不知也、帝又造龍舟、巧其  
機括、能使龍尾鬣皆動、而龍爪自撥、水中帝每登龍  
舟、用采女盛妝兩岍、挽之一時、意興所屬、輒呼而幸  
之、又令諸妃嬪三十餘人、皆受大喜樂佛戒、諸倉積  
粟、盡入女寵家、百官俸則祇支以茶物雜帑類、冬  
十二月、左丞成遵、參政蕭庸等六人、丞相賀太平、誣  
以贓罪、皆杖一百七下、流死、先是、和太后與太子謀求  
內禪、使宦者朴不花邀賀太平、禱之、太平不應、復邀  
太平、用其黨數人、太平又不許、太子叩之、一日、太子

倡言于中書省堂曰我所用者汝皆沮之而止汝所用者今皆以賍敗何也太平對曰所知者才也故用之所不知者心也雖父子之間亦不能保其無私也太平由是稱病懇求免相初祁后与太子謀曰太平既不允內禪之事不可使居相位元良哈反其人与汝無所可否今以總兵居真定宜勸上召還京師當以代之庶幾汝事可求也既而果有旨召還京師太平覺其有謀喉臺官劾其罪有旨令元良哈反居与州逾一月以無疾卒太子心疑太平故害之怨之愈深春二月十九日以太平為太保罷是月搠思監為右丞相盖老的沙所毒也初上欲拜相太平謀

相于老的沙老的沙欲自爲之而難于發言遂薦搠思監帝于是以搠思監爲右丞相老的沙復爲大夫二人既拜老的沙恃有荐相之恩數有請于搠思監搠思監不答二人遂有隙其後搠思監恃有初后太子之援老的沙恃有皇上母黨之親怨日益深矣

夏五月朔日有食之魯王阿魯輝帖木兒擁兵歸百萬傳檄問京師之罪有曰祖宗付汝以天下今何故失天下太平汝不可以居祖宗大位將傳國璽送與我當代汝爲之帝聞之顏色不變徐曰他果有天命我何不避之有乃命樞密知院哈剌朵兒只禿堅帖木兒八里顏逆擊之行至稱海復起哈剌赤菜

人為運臨陣皆脫衣從宗王去合勢追奔百里三  
知阮車馬遁入上都破頭潘閔先生沙劉二軍入  
高麗王京高麗王奔耽羅其臣納女請降將校皆以  
女子配之軍士遂與高麗如姻婭恣情來往高麗人  
因而各藏其馬林中一夕王傳令除高麗報晉語言  
者不殺其餘並殺之沙劉二閔先生皆死惟破頭潘  
并樺將左李率輕騎萬人從間道走西京降李羅所  
其調已而又降擴濶初賀太平辭相時帝賜以金  
銀幣帛駝馬使之歸老于故所生地太平既出京城  
沿途留宿不進期思監疑其徘徊顧望猶有希進之  
意詆御史彈之徑以謀害大臣并其子也先忽都殺



之於野馬川

辛丑十一年帝更命老張少保率

兵四十萬擊宗王阿魯輝帖木兒老張軍未至宗王  
軍有脫歡知院者內叛擒宗王獻京師宗王死罵不  
絕口舊例宗王有罪大故用弓絃絞之名曰賜死至  
是帝特殺死陳友諒徐真逸之臣也已而握權篡  
其位沉真逸于江掌其湖廣江西之地建都于江州  
至是大兵克江州友諒走武昌其將守龍与者  
以江西降時八月二十四日也九月命察罕征山  
東山東白毛貴死其將為優仇殺趙君用固內遂大  
亂花馬王田豐掃地王士誠互相攻伐察罕乘之破  
其冠州東昌濟南諸郡進圍益都田豐來降時豐提

兵在穆陵關使人來言撫兵如不信我心且不將撫  
兵相見當与平沿海諸城然後相見察罕喜即以朝  
命授豐為山東行省平章且重犒其所部已而沿海  
登萊沂密等州皆降附田豐遂与察罕相見益都城  
西時察罕方調軍攻圓益都俾田豐軍塞益都南門  
為營圍數月田豐頻往察罕營議事見其待朝廷使  
甚簡傲又所施設多用術數無忠誠心田豐乃恚曰  
我以山東全地降汝又為平海上諸城之不同心者  
誠以汝為元朝中興人物也今若此是漢室曹操耳  
使汝為曹操我豈不能自為之耶于是与同儕王士  
誠私謀曰十五日察罕必巡長圍我預椎牛醢酒至

日設席邀其一切幕府官大小部帥酒行汝遂馳勇  
者帶刀各供給每一人夾一人以擊鼓為令自察罕  
以下皆殺之謀定察罕于十四日昧時從馬騎二人  
來田豐營王士誠者即掃地王也其人躁勇見察罕  
輕身出意謂得開帶刀入侍田豐目之使退其人誤  
謬以為使之行其所謀轉身自察罕後揮刀中其肩  
田豐知不可止遂擊鼓三城中聞之開門納田豐軍  
軍遂擁察罕入城中人復推察罕為主以拒朝廷  
田豐不允已而察罕死有王保者察罕甥也嘗養  
為子察罕入城之久諸校惶惑不知所從軍中頗有  
異論同舍白璵佐乃察罕舊人有機識遽倡言曰挽

兵奉朝廷命討逆寇。撫兵雖死，朝命不可中止。況今  
撫制官王保，曾為撫兵養子。朝廷又賜其名，擴闢  
若立之，以為主。撫兵雖死，猶不死也。于是率先下拜。  
眾亦下拜。人心始定。于是有白氣如小索，起危宿長  
百丈，掃太微帝，令占之。占者曰：山東當有大水。帝曰：  
不然。山東當失一良將。即馳書戒察罕，毋輕出。察罕  
怒之。故及禍，帝聞其死，哭之慟。字羅帖木兒，在西京  
聞之，亦哭曰：察罕在，豈不省我力耶？

壬寅

壬寅  
二十

年。太子酷好佛法，于清寧殿置龍床中坐，東西壁布  
長席。西番僧高麗僧列坐滿長席。太子嘗謂左右曰：  
李先生教我儒書多年，我不省書中何言。所言何事？

西番僧告我佛法我一夕便曉李先生狀元李好父也太子始學書初甚尊敬其後放蕩无拘檢專喜臨宋徽宗字帖謂之瘦筋老或告曰徽宗亡國之君不足法太子曰我但學其筆法飄逸豈學他治天下庸何傷乎

冬擴潤克益都誅田豐王士誠等餘黨

械歸京師

癸卯壬午正二年老的沙提調京北白汝

等討千餘頃歸內府福泰供給女寵并倚納等非奉旨不得擅支初初后宗族在高麗者多蒙官爵號久則恃勢驕橫強奪人田地子女高麗王屢戒之不從王不勝怒乃殺初氏一宗至是后聞之謂太子曰兒年已長盍与我雪此恥高麗王舊有族姓兄弟留京

師于是詔立高麗王而以和氏子一人為相撥蒙古  
漢軍萬人送入其國軍次鴨水伏兵四起僅餘七十  
騎走還京師餘盡殺溺死和后大慚 大兵克廬  
州守將左君珣遁淮西降附 野鴿巢興聖宮數  
年蕃息數千驅之不公綱之不盡召子以為興聖宮  
和后宫也蒙古以韃靼氏為父翁吉刺伯牙吾氏為  
母家法相承至七八傳矣一旦家國將亡家法先變  
帝母回氏太子母高麗氏此野鴿所驗以來巢有  
聞必先也 初康子辛丑之歲李察罕字羅堂構兵  
爭晉冀地帝常以晉冀地分屬兩家且諭之曰土皆  
王土也民皆王民也何爭之有而資政院使朴不花

与丞相掬思監相為表裏專一貪黷無厭視南北兩  
家賂遺厚薄而啖之以密旨南之賂厚則謂南曰帝  
有密旨令合併北而有之北之賂厚則謂北曰帝有  
密旨令合併南而有之以此兵禍纏綿不解監察御  
史傅公讓率同僚彈此二人后謂太子曰朴不花是  
我資政院老火者看家資人也臺家何無情而欲逐  
之汝不能与我主張耶太子曰阿婆無憂我儘有立  
張明日貶傅公讓于吐蕃其餘臺官皆外除唯老的  
沙在臺已而新除臺官十餘人又彈劾此事又外除  
之已而諸道臺憲皆以為言於是太子怒欲弄公老  
的沙老的沙畏禍遁入李羅軍中李羅知其寃藏老

的沙后寢之刻廷通圖形求之不許。朴不能見臺  
憲彈劾不行與其僥謀曰今十八功臣家子孫朝夕  
在帝左右我與汝等平日所為梁親得知臺家亦必  
知之終當與我不利。搠思監曰彼皆是老的沙黨也  
老的沙既為字羅所底必請兵來犯京師十八人為  
內應社稷能無危乎遂執十八人送新政院問其謀  
害太子之狀十八人苦楚不勝皆自証服未幾太子  
得咽喉疾甚亟左右曰愿釋十八人寬太子可無禱  
而免搠思監聞其言令出十八人皆安置外邦中途  
皆死聞有以賄免者其漢字羅入京師皆召還弘  
農盧氏山抄五六里八月陳友諒與大軍大



戰都易湖中箭死大軍遂進圍武昌其子理降湖南

荆湘諸郡歸附

甲辰

壬辰

壬辰

壬辰

壬辰

壬辰

壬辰

壬辰

壬辰

黑氣圍日

外兩頭有兩耳引白氣一道貫日

四

四

四

四

四

四

四

四

四

四

月知樞密院禿堅帖木兒領兵犯京師禿堅帖木兒

初嘗與丞相也先不花俱屯田西方禿堅帖木兒

不花屯糧飯也先自恃尊屬不受禿堅帖木兒然坐也先

不花營外呼軍士共啖之也先不花患其為人剛

果不測諧其有異志遂差五府官訊之禿堅帖木兒曰我

有何罪而使五府來于是拘五府官往告寺羅曰朝

廷為佞人作美至無公論如此我當擁兵入京問此

舉為誰禿堅帖木兒引軍將行朴不花相思監稱詔書謂寺

羅与禿堅帖木兒同反，削李羅兵柄，謫到李羅營，字羅手裂之，因使者禿堅軍至燕京，太子出古北口，宜与州以避之。禿堅遣人奏帝曰：我無負國家，國家負我。非犯闕，願得奸臣某；而已，帝不得已，以搠思監朴不花付之。二人囚首至營中，禿堅為加帽易衣，置搠思監中坐，朴不花側坐而拜。搠思監与朴不花交跪，禿堅養帝求，擅自執縛大臣赦之，求稱兵犯闕，赦得二赦已，然後釋兵入見。見帝哭曰：左右蒙蔽，陛下非一日矣。倘循習不改，余天下何？吾執二人公矣。陛下小，宜若過，卓然自新，一聽正人所為，不可復為。却說所感然，漫天下事可為祖宗基業可固可守也。

帝但唯：而已。遂執二人詣李羅。李羅厚禮之。逾三日始問以濁亂天下之罪。復哭而問。搢恩監曰：我前日賂汝七賢數珠十串。何不以見還。因取六串來。李羅見之曰：非我家故物也。不受。再取。乃是李羅怒曰：在君側者貪婪如此。我何可坐視而不清之乎。吾將舉兵入清君側。七月二十五日。遂与老的沙禿堅帖木兒擁兵俱來屯大都北門。入見帝。奏曰：國家所用人皆貪婪軟弱。不足以濟天下大事。願召也速除為右丞相。臣為左丞相。禿堅不花為樞密知院。老的沙為中書平章。于是同心竭力。整治庶政。執譏佞數人并倚納九人皆殺之。遂西蕃僧羅諸造作。時帝方課

築宮牆立爲之殿，殿、驛、初、后出宮，屏居尊，戟門外是時白頭住，駐軍盧溝，因挾太子遁入擴潤軍中。李羅始見帝退，謂老的沙曰：「我平生不怕天下，今日見上位使人似不能言者，何耶？」省中事人亦赤國公老的沙爲我奏，公可也。李羅入京師前，一日有大風從西來，黃塵蔽天，馬立足不定，自西至東，止于更鼓接西。李羅入住宅，適在其處。初，削李羅兵權時，搆思監召承旨張翥草詔，諱曰：「此大事，非見主上不敢爲之。」乃更召參政危素就相府，客位舛之，舛畢過老中郎中，訖曰：「我怡了一件好句，當爲朝廷草詔。」削李羅兵權，此正撥亂反正之舉也。即中曰：「相公此舉真

不撥正反亂乎客有暢歎在座因曰撥正反亂其猶  
裸形搏虎豹也李羅兵至京師聞之召危素責之曰  
詔從天子出搦思監客位豈汝州詔之地乎素無以  
答欲得出斬之左右解曰當時素以一秀才豈能与  
丞相可否遂止以其負天下才名除和林省左丞即  
時上道 初后初出厚載門外居造作提舉司府中  
或言李羅回夜巡警至后所一宿故后復得入宮  
雷擊延春閣西簷 乙巳至正二年初后納女李羅  
擇日成婚李羅促后曰斷送之物未畢工李羅  
曰女先至斷送之物從速可也乃先使兩口成婚李  
羅自入京納女四十餘人早飭必同堂共食厨中每

雨魚雨毛

早辦針四十品隨諸夫人索食其入朝時諸夫人盛  
飾成行各進酒一卮荒于酒色銳氣消耗矣 據澗  
分兵三支駐大都城外遙制李羅而不与之戰掩其  
白瑣任領一支在通州者李羅命其將她一百与之  
戰一百被擒李羅自將兵欲与之戰至通州取一女  
不戰而還 二月七日天雨白龍長尺許狀如馬鬃  
或詢于帝曰此龍鬚也帝果命收而閤之事之如神  
六月二十七日天雨魚長尺許城中人家皆取而  
食之 七月李羅索帝所愛女子帝曰欺我至此耶  
有秀才徐施各者居家好奇謀而平生憤漢人不得  
志于當世故難仕進至是命為待制帝沿欲殺李羅

与之謀與謀者六人曰洪賢火兒骨荅上都馬金那  
海和尚帖古思不花六人中選驍勇善力者皆挾刀  
在衣中外皆寬衣若聽同事立延春閣東桃杏林內  
一日李羅早朝小斛畢將上馬回公舊例丞相將上  
馬帶刀侍衛之士疾趨先出貼馬俟丞相出諸衛起  
立馬上丞相批頤然後衛騎翼丞相以行當是時丞  
相出與謀挾刀者見其不得便相顧曰今日又罷了  
徐施魯搖手曰未也忽有報搜者自西北來平章  
大烈門謂李羅曰好消息丞相宜奏公李羅推大烈  
門失烈門強李羅偕行至延春閣側有杏枝自上  
垂下直梢骨壓李羅帽而墜之失烈門遽為拾之李

羅毅曰今日真有事時又有一人突然橫過其前李  
羅方眎視呼失却門曰平章此人面生言未既一人  
批其頰李羅以手禦之遽呼曰我帶刀者何害又一  
人所其左耳而死遂誼傳曰瑣住軍在西宮裏老的  
沙諤曰你的那顏又發酒風恰斫我一刀老的沙行  
稍遠騎士又問老的沙曰丞相已被殺矣擴濶太軍  
無數在西宮裏李羅軍大蹶散西走帝時居寢室約  
曰事捷者放錫鈴帝出自寢室發令百姓見川軍皆  
殺之百姓上屋擊以瓦石死者填巷老的沙趨至李  
羅營中將其甲士西北走合禿堅帖木兒軍先是宗  
王諫黎謂帝已崩李羅為皇帝將兵討之故李羅遣



先堅帖木兒將兵迎擊之。先堅軍回，中途遇老的沙。先堅知事變，謂老的沙曰：「今上牒圖不可輔，小孩兒亦非國器，不如往赴趙王，扶立趙王，南向以定天下。」趙王始然之。中憲事不成，醉以酒縛二人送京師。副之老的沙，懼而乞憐。先堅畧曰：「彼非害我，害其社稷也。」趙王太祖之屬也。當時世祖曾與之約曰：「吾與汝共天下，事倘異日，社稷有難，汝當助之。」故憶其祖父言，悔不從先堅計。正宮車必氏聞李羅難作，亮帝賞赦李羅者六人。徐施各不受賞，一夕逸。十二月朔日食。李羅既死，以伯撒里為左丞相。九月，擴闊護太子還京師，以擴潤為太傅，右丞相河

南王居京師兩月擴闢居軍中久樂縱恣無檢束居  
朝快：不與朝士往：輕之謂其非根腳官人擴闢  
謂左右謀之左右勸以請出治兵肅清江淮從之

洛陽山鳴擴闢退伯撒里仍為右丞相沙監答里為

左丞相

丙午

至正十六年

擴闢既出無意治兵以父

死未終喪欲廬父墓側左右或曰搃兵既受君命出

而中止無乃不可乎擴闢左右有孫蕭趙伯者趙人

也畏江南強盛欲援其計以容其奸謂擴闢曰丞相

受天子命搃天下兵肅清江淮兵訟欲治人者先自

治今李思齊脫里伯孔興張思道四軍坐食關中累

年不調丞相合調四軍南出武關與大軍併力渡淮

彼若依前頑不受調則移軍征之據有閬中四軍惟丞相意所使不亦善乎擴濶欣然從之于是分撥閬帛等統軍從大興閬渡河以俟先劄付調閬中四軍張思道脫里伯孔興俱不受調李思齊得調兵劄大怒罵曰乳臭兒黃髮猶未退而反調我耶我與余父同鄉里余父進酒仇三拜我然後飲汝于我前無立地處而今日公然稱搃與調我耶各令本部曰一戈一甲不可出武關王保來則整兵殺之擴濶自是進兵關中兩家相持一年前漢百戰勝負未決而國家大事公矣擴濶由懷慶移屯彰德彰德素積糧料數十萬坐食之帝始疑擴濶有異志謂左右曰擴

濶之出兵馬肅清江淮也其後不肅清江淮而結魯  
關中今也關中之戰未定此雄乃復移兵彰惠其欲  
窺我京師耶 又怒初后及太子曰向者李羅舉兵  
犯關今日擴濶掩天下兵尾大不掉命母子候我天  
下今天下土疆分裂坐受危困皆汝母子所為也怒  
氣不已太子致被挫擊走而免朝廷累從擴濶南征  
二月擴濶不得已命母弟脫因帖木兒及部將額高  
完仲宜駐兵濟寧鄒縣等處名為保鄆山東且以塞  
南軍入北之路復命朝廷曰此為肅清江淮根本也  
識者哂之 丁未<sub>至正十七年</sub>擴濶增兵入關日求決  
戰張李等軍頗不支遂使人求助于朝廷朝廷因差

左丞袁煥及知院安定臣中丞明安帖木兒傳旨令  
兩家息兵罷攻各率所部共清江淮孫蕭進計于擴  
濶曰我西事功垂成不可誤聽息兵之旨且袁煥貪  
欲之人也此行非其本意可令在京藏吏祕賂其家  
則袁必助我而我事可成矣擴濶如其計袁果私布  
意于擴濶曰不除張李終爲丞相後患于是攻張李  
愈急七月勝負猶未決擴濶謂孫趙二人曰今日果  
何如二人同進計曰關中四軍獨李思齊最強思齊  
破彼三軍不攻自服矣今關中臨陣軍將適与彼兵  
等耳所以老師費財相持不決所畏者惟高額而高  
額見駐兵鄜縣以吾二人觀之南軍必不能越王宣

以侵我宜抽高貊一軍疾走河中自河中渡急趨鳳翔覆李思齊巢穴出其不意則渭北之軍不戰可降此唐莊宗破汴梁之策關中定然後出關中軍以敵南軍孰未晚也即日從其計高貊所部將多字羅之黨行至衛輝部將夜聚議曰我爲官軍擣濶搃兵用我敵南軍猶云可也今者卻聞關我行糧星馳前往河中渡河西趨鳳翔李思齊乃官軍以官軍殺官軍如何于是河西平章張知院沙劉恭政拔刀誓衆曰不必多言五鼓罷扶高貊作搃兵不從則殺作血城以公約定各率兵以待八月六日天未明如其言以叛高貊即使其首領官胡安之控告朝廷使謝雪兒

領精騎北奪彰德使沙劉領精騎西奪懷慶往彰德者騎少兵預仿作使人以入據之殺擴濶守將范國英往懷慶者騎多兵冗懷慶守將黃瑞覺之門閉不得入時擴濶在洛而其隨部將士盡在懷慶識者以爲高貽此舉疑不成大事也先是朝廷見擴濶不受調而搆兵讎殺方議削其軍權而未得其說見高貽使來大喜升高貽知院兼平章總河北兵且詔擴濶率潼關以東兵下淮西李思齊等四軍出武關下襄陽從高貽率河北軍兵與也速及脫因帖木兒完者仲宜兵下淮東然脫因帖木兒等盡劫山東以西民畜而西徑衝擴濶盡率河洛民兵而北渡懷慶

明世宗平江府國族

高穎悞擴濶兄弟有夾攻衛輝之勢亦盡劫掠衛輝  
民畜而北入彰德朝廷無如之何有帖臨沙伯元臣  
李國鳳者進謀于太子曰向者詔令各將本部分  
道進兵而不立大將以總之宜其不從也古者太子  
入則監國出則撫軍太子何不奏主上立大撫軍院  
以鎮之凡指揮各將皆宜出自撫軍院然後行使推  
歸于一而自內制之庶幾可為又高穎一部背擴濶  
而向朝廷此宜別作名號以旌異之然後可也于是  
開大撫軍院于京師專制天下軍馬省臺部院皆受  
節制以高穎首倡大義賜其所部將皆為忠義功臣  
名號 九月 大兵克平江擒張士誠遂平福建



兩廣擒陳昱觀 高貊率兵攻真定不克還 十月

大兵平定沂海 十一月 大兵平定山東

一 擴濶自懷慶北據澤州 戊申至正二年春朝廷

訪擴濶將李景昌封為國公景昌以汴梁來歸訪聞  
保亦封為許國公關保亦以晉冀來歸 擴濶

自澤州退據平陽 三月高貊率兵攻懷慶不克

武庫火 四月 大兵平定汴梁河南諸州相次

降附 擴濶退據太原 五月詔下勦除擴濶令關

保與高貊合勢攻其東張思道李思齊脫里伯孔

合兵攻其西 閏七月一日 大兵自中潞渡

河三日平衛五日平相七日平廣平八日平順德

是月一日高貊出軍逼太原城馬陣高貊輕脫後數  
騎巡陣擴濶部將有毛翼者望見之易旗幟綴陣于  
其西角高貊果誤入其陣即合擒之時閼保：營在  
高貊營西未及出布陣急持高貊示之營中軍亦皆  
潰閼保：亦被擒二將被擒所部將士皆降擴濶

六月大雷電雨：中火發燒白塔寺 先是七月

大兵攻潼關張李脫孔四軍皆潰而西矣 朝廷  
聞閼保：高貊敗被擒大驚遽罷撫軍阮歸罪太子  
殺伯元臣李國鳳等盡復擴濶舊有爵位 閏七月  
差哈完太子來督擴濶出師援燕京且令勤王禦敵  
擴濶涕泣乃提軍向雲中或曰丞相帥師勤王宜出

明祖王帖

井陘口向真定與河間也。速軍合勢可以遮截而軍  
若入雲中由雲中至燕京沿途千里無乃不可乎。擴  
濶曰：我潛師從紫荆口出其不意，豈不可以因勝趙  
恒震元暉則曰：朝廷聞撫軍院步，要殺丞相。丞相  
乃要勤王，我駐雲中觀其成敗，乃計耳。後七月二十  
七日，大軍至通州，帝得報大懼，即日委淮王帖  
木兒不花丞相慶童留守大都路，自出居庸關遁入  
上都。八月三日，大軍至齊化門外，一鼓而克全  
城。淮王帖木兒不花丞相慶童大都路總管郭允中  
中書左丞丁敬可皆死之。是歲即本朝洪武元  
年也。十一月，擴濶兵數十萬駐太原。大軍十

月自宛子城入破澤潞十一月擴濶部將賀宗哲領兵來援晉冀駐龍衛口子公太原七十里而大兵先鋒常遇春夜斫擴濶營遽至擴濶中軍擴濶匹馬隻靴而遁矣于是晉冀之地悉定明年五月二十一日

大軍自通州進兵克復永平也速軍潰于是檀順會利宜与大興以次皆來附先是大都平馳奏

南京奉

旨改為北平府仍令常國公經營北方

其年五月平永平等處九月平遼陽獨上都与紅羅山未平康甲帝在上都紅羅山在其東南也速駐兵在上都恃有紅羅山為之藩籬紅羅山恃有上都為之援而不設備常國公使人覘知之即以大兵銳騎

御枚具十日糧晝夜兼行六月二十二日破紅羅山  
七月二十七日破上都城庚申帝棄天未明出城遁  
竄其后妃入于和林和林在大漠之北前元太祖所  
都之地也八月二十二日平環慶鞏昌平源臨洮諸  
府而天下遂大定矣

野史斷曰嗟夫平定江淮大事也而帝付之擴潤瑄  
闕受之原申帝何其易哉且以世祖平江南受之世  
祖欲平江南議論數年或以為可伐或以為不可伐  
而太保劉秉忠則曰未有其人其後伯顏自西域奉  
使來太保見之喜而告曰伐江南有其人矣台之使  
前世祖亦喜曰余豈諸侯王臣哉其留事朕自伯顏

受命出師世祖曰吾終夜憂懼或日中不食或中夜  
起坐夫以世祖爲之君伯顏爲之臣統業尚不  
敢必其有成功也觀康中帝漫余而命擴潤擴潤亦  
漫余而受之其根本已非矣而又康中宣淫于上擴  
潤肆愚于下上淫而下愚上虐而下暗處則昧經國  
之大計出則失兵家之神機及大兵一動君臣俱及  
其禍豈不宜哉

帝在位三十六年

野史新曰當元統至元間帝受割推臣其後推臣相  
繼或死或誅帝恐懼之心弛而寬平之心生故至正  
改元之後復興科舉行太廟時享賜高奉帛顯天下

民祖選傳臣歐陽玄等講五經四書譯貞觀政要出  
厚載門耕藉田禮服祀南郊立常平倉同水旱賊盜  
下詔罪已盡蠲被災者田租又命使宣撫十道凡此  
皆其寬平之心之所為也惜乎夸歎之流取士用人  
惟論根脚其所與固大政為將為相者皆根脚人也  
而凡負大器抱大才蘊通藝者舉不得與其政事所  
謂根脚人者徒能生長富貴商賈擁民素無學問內  
無倚託臺閣之賢外無掄思獻納之意是以四海天  
下之大萬民之衆皆相率而聽夫商賈擁民飽食暖  
衣腥膻之後使之空廟廊據樞軸以進退天下之人  
士嗚呼是安得而不敗哉故原申帝有寬平之心一

變而為驕情之心驕情之心既生而哈麻耶淫之說  
進矣是故易大傳之言有曰危者安其位者也亡者  
保其存者也亂者有其治者也。是故君子安而不忘  
危存而不忘亡治而不忘亂。是以身安而國家可保  
也。向使庚申帝持其心常如至正之初則將終保大  
位何至于遠遁而為之虜哉。帝幼時貶居廣西靜  
江府寓大圓寺其未至寺朝廷命刑部哈刺八失館  
伴南行舟泊劉家山下忽有三胡孫拜于岸上手巾  
若有所獻帝使奴公受之則山果也舟人皆異之帝  
因呼使上船又俯拜如初帝回問之曰汝更有伴當  
乎胡孫手指岸上帝使舟人隨其後視之行三四里



至一洞群胡孫多至百數皆相呼招以行至船側皆  
俯服再拜帝大喜命舟人載之以行至所寓舟中則  
告僧以其故其長老歸秋江者心獨異之放之寺後  
山上帝又命之曰群胡孫當食我飢汝不可以飢  
之曰為我設兩餐自後飢即雲板響群胡孫皆聚  
然負絮幼小而來故土人歸為胡孫寺其後帝即位  
捨与堂住祖五千供之帝居寺時長老秋江堂教之  
讀論語孝經日寫字兩紙及詔回京師日收拾書冊  
紙筆藏小皮篋中手自閉鎖用馬馱之前行頭髮常  
生蟣虱使民姬治之告姬曰是雖血食我、不忍殺  
之不如以紙裹之懸屋簷下凍殺可矣然亦時、薄

芳堂鎖地為穴溺其中和成泥又堂領群兒二十餘竿帟馬旗巡城上又好養八角禽而調習之或飛泊池中枯竹枝上即不顧靴襪下水捕之堂為長老秋江所禁止秋江又教之曰太子乃國家金枝玉葉不比凡民見大官人來切不可妄發言亦不可不自重由是府官司官來輒坐長老訟座正身危坐一無所言府司官去即下座嬉戲如初蓋其一時勉強非出于涵養自然也哈刺八失堂受密旨有侵害帝意及見群胡孫畏服狀以為終必有天命始不敢縱群胡孫自帝北還復禁其類返故山有老胡孫三十六枚盡日哀鳴江岵逾數月皆擲死識者以為帝在位三

十六年之驗也

野史斷曰子聞反暢中之曰帝不嗜酒善書畫又善  
觀天文當沙關陷上都也已而東行左右勸帝宜出  
避之帝知天象無傷大言曰毋多言有福者來吾何  
避之有及大軍南來帝復觀天象左右勸守京

師待援者帝搖手不從即日遁矣始曾留意政事終  
无卓越之志自惑溺于倚納大喜樂兼耽嗜酒色盡  
變前所為又好聽譏佞輕殺大臣致使帝舅之尊帝  
弟之親男女徠雜何殊聚麀其後忌初后諫已強其  
子使學佛法宋文公有云中國一變為夸狄夸狄一  
變為禽獸堂人主為禽獸行人紀滅亡天下失矣

或曰庾中帝以昏愚而失天下非也庾中帝豈昏愚者哉其欲殺是人也未嘗不假手于人外示優容之狀內實行其欲殺之意至于死而有不知者此豈昏愚者之所能為哉或曰帝以優柔不斷失天下亦非也庾中帝豈優柔不斷者自至元改元以來權臣之跋扈有名者皆死于其手前漢至殺一品大官凡五百餘人皆出指顧之間而未嘗有悔殺之意此豈優柔不斷者之所為也然則何者而失天下由陰毒是也且自古有天下之君履九五之位惟秉易剛之惠摠攬易剛之權者為能居之若操陰毒之性者遭之以亡天下耳故大易稱聖人之惠也必曰聰明睿知

神武不殺而後已。夫外有聰明之聞見，內有睿知之機運，外有神武之雄威，內有不殺之仁慈，外聰明而內知慧，外仁武而內不殺，然後為聖人之全惠而後可以居九五之大位。彼庖中帝者，何足以語此，而其為亡虜也，不亦宜乎。嗚呼，殺之為言，豈為人上者之心哉。殺一惡人，使天下之為惡者懼，使天下之為善者如此而後殺之，是天下殺之也。殺一善人而使天下為惡者善，使天下不殺可也。故曰古之

其斯之謂夫

庖中外史

彬侯曹君吾里好學深思之士也家多藏書  
蛇頭細楷或精好尤勤校勘丹黃兩毫不去  
手能無間寒暑廿年來積有萬易甲辰九  
秋鄰人不欲於火與余店同蕩乃煨燼此冊  
幸友假而歸者余鈔之倩為題定偶理裝  
殘重續一過漫書以識而君於四年間又珍  
秘數百萬矣惜彩雲之易散感琉璃之不  
堅良可慨也雍正六年戊申端午日破山樵人